



DREJTORIA E ADMINISTRATËS - UPRAVA ADMINISTRATIVNE		
Dërguar më Dostavljeno 19.02.2026		
Nr. Org. led.	Nr. Br.	Shtypje - Print
06-401/04-0010495/26		
PODUJEVË - PODUJEVO		



Republika e Kosovës / Republika Kosova / Republic of Kosova
Komuna e Podujevës Opština Podujevo Municipality of Podujeva

DREJTORIA E SHËNDETËSISË DHE MIRËQENIES SOCIALE

Raport pune për vitin 2025

Në Komunën e Podujevës DSHMS punën e organizon në Sektorin e Shëndetësisë, Sektorin Mirëqenies Sociale dhe Qendrën për Punë Sociale

1. Sektori i Shëndetësisë

Në vazhdimësi punën e Drejtorisë së Shëndetësisë dhe Mirëqenies Sociale në sektorin e shëndetësisë mund ta përmbledhim si në vijim:

QKMF në Podujevë është i vetmi institucion shëndetësor publik që përkujdeset për shëndetin e rreth 70 mijë banorëve të komunës së Podujevës. QKMF në përbërje të vet ka 3 QMF, 18 AMF dhe numër të lejuar të punësuarve 266, me zotimin buxhetor 274 në vitin 2026.

- Veprimtaria:

Veprimtaria e QKMF-së përfshinë ofrimin e shërbimeve shëndetësore të KPSH-së për popullatën e komunës, si një veprimtari me interes të veçantë përmes zbatimit të konceptit të mjekësisë familjare në kuadër të sistemit unik shëndetësor të Kosovës.

Koncepti i mjekësisë familjare konsiston që të gjithë banorëve të Komunës së Podujevës t'u ofrojnë shërbime shëndetësore gjithëpërfshirëse, efikase dhe në vazhdimësi individit dhe familjes në të gjitha fazat e jetës, bazuar në të dhëna shkencore, përmes mjekut familjar si mjek i përzgjedhur i cili do të jetë portë hyrëse për të gjithë kërkuesit e shërbimeve në sistemin shëndetësor dhe njëherit pikë referuese për specialistët, konsulentët në KPSH dhe në nivelet tjera të kujdesit shëndetësor.

Sipas SSSH 2017-2021 dhe standardeve të përcaktuara nga Ministria e Shëndetësisë, ekipi i mjekësisë familjare i përbërë nga një mjekë familjar dhe dy infermier-e familjare ofron shërbime shëndetësore për 2000 banorë sipas shtrirjes territoriale, gjeografike dhe organizimit të QKMF – së.

Shërbimet

QKMF kryen këto shërbime të kujdesit parësor shëndetësor:

- Shërbimet e promovimit shëndetësor, përfshirë informimin, komunikimin dhe edukimin brenda institucioneve dhe në komunitet,
- Shërbimet e imunizimit dhe vaksinimit dhe shërbimet tjera parandaluese,
- Shërbimet esenciale kurative dhe ndërhyrje të vogla kirurgjike,
- Shërbime të kujdesit akut dhe urgjent,
- Shërbimet e kujdesit shëndetësor për sëmundjet kronike,
- Shërbimet e shëndetit mendor,
- Shërbimet e kujdesit shëndetësor për fëmijë, adoleshentë dhe të rinjë,
- Shërbimet e shëndetit riprodhues,
- Shërbimet e shëndetit oral dhe parandalues,
- Shërbimet e kujdesit shtëpiak përfshirë shërbimet e kujdesit ndaj nënës dhe fëmijes, kujdesi paliativ si dhe kujdesi shtëpiak bazuar në nevojat e popullatës dhe prioritetet e shëndetit publik,
- Shpërndarjen e barnave nga lista esenciale në barnatoret doracake të rrjetit të KPSH – së.

Struktura

QKMF me qëllim të ofrimit të përkujdesjes shëndetësore për banorët e vet, organizohet me këto njësi përbërëse:

Departamenti i Mjekësisë Familjare me këtë përbërje:

Sektori i Mjekësisë Familjare,
Njësia e SISH – it,
Njësia e Vaksinimit dhe Imunizimit,
Sektori i Shëndetit Oral Preventiv,
Sektori i Kujdesit Urgjent,
Sektori konsultativ dhe Diagnostik,
Shërbimet konsultative (Pediatri, Radiologu, Gjinekologu, Epidemiologu)
Kabineti Radiologjik,
Laboratori.

Departamenti i Administratës së QKMF-së -Podujevë organizohet në:

Njësia ose Zyra e personelit,
Njësia ose Zyra Juridike,
Njësia ose Zyra për buxhet dhe financa,
Njësia ose Zyra për shërbime teknike.

Barnatorja Qendrore:

Barnatorja qendrore është njësi organizative e QKMF-së e cila themelohet dhe funksionon sipas ligjeve dhe akteve nën ligjore që rregullojnë veprimtarinë farmaceutike.

Në QMF / AMF funksionojnë barnatoret doracake të cilat menaxhohen, furnizohen dhe monitorohen nga barnatorja Qendrore në QKMF.

Nga barnatorja qendrore shpërndahen në QMF, AMF barnat nga Lista Esenciale e Barnave, e lejuar nga Ministria dhe të përshkruara në recetat unike , nga Mjekët e Sektorit të Mjekësisë Familjare si dhe barnat dhe materiali nga kontrata komunale për furnizim.

Rrjeti i institucioneve të KPSH të Komunës së Podujevës përfshinë:

1– Qendra Kryesore e Mjekësisë Familjare (QKMF)

3 – Qendra të Mjekësisë Familjare (QMF: Lluzhan, Orllan, Kërpimeh)

18 – Ambulanca të Mjekësisë Familjare (AMF: Pollatë, Bajqinë, Dobratin, Bradash, Llapashticë, Gllamnik, Dumnicë, Shtedim, Herticë, Shajkoc, Sfeqël, Batllavë, Dyz, Majac, Lupq, Lagjja e Dëshmorëve (Ballofc), Obranqë, Halabak).

AMF Dyz dhe Halabak nuk janë funksionale në mungesë të stafit e kjo e fundit në mungesë të kushteve elementare për punë.

Këshillmorja për diabet dhe hipertension

Në kuadër të mjekësisë familjare funksionin edhe këshillmorja për diabet dhe hipertension. Në këtë shërbim janë sistemuar profesionistë shëndetësor të cilët bëjnë matjen e tensionit dhe glikemisë, japin këshilla për menaxhim sa më të mirë të këtyre dy patologjive dhe komplikimeve të tyre, përcjellin gjendjen shëndetësore në vazhdimësi. Në këtë shërbim janë të evidentuar diabetikët insulinë varës të cilët furnizohen me insulina dhe ku furnizimi me insulina nga Ministria e Shëndetësisë ka qenë i mirë.

Njësia e Gjinekologjisë dhe Materniteti

Ky shërbim funksionon 24 orë me staf të mesëm – mami, kurse gjinekologia me orar çdo ditë pune paradite. Në kuadër të kësaj njësie funksionon edhe këshillimorja, ultrazëri. Në këtë shërbim bëhen kontrolla gjinekologjike të të gjitha grupmoshave, administrohet terapi e indikuar nga gjinekologu, jepen këshilla dhe bëhen lindje. Për fat të keq për shkaqe dhe arsye më të ndryshme numri i lindjeve dukshëm është reduktuar krahasuar me periudhat e më hershme (këtë vit kemi pasur vetëm 5 lindje).

Trupat e QKMF

Për përmbushjen e detyrave të veçanta dhe mbarëvajtje të punës në rrjetin e institucioneve të KPSH konkretisht në QKMF funksionojnë edhe këto trupa:

- Këshilli Dretjues i QKMF – së,
- Këshilli Profesional,
- Komisioni Disiplinor ,
- Komisioni i Ankesave
- Komiteti për Cilësi dhe Siguri të Shërbimeve Shëndetësore,

TË DHËNA TË PËRGJITHSHME TË TË PUNËSUARVE NË QKMF

Numri i të punësuarve, pozitive udhëheqëse, emërimeve politike, të punësuarve nga komuniteti jo-shumicë dhe atyre me nevoja të veçanta të ndara sipas gjinisë (të dhënat bazohen në listën e pagave të muajit dhjetor)	Femra - gra	Meshkuj	Gjithsej
Numri i të punësuarve në QKMF	184	82	266
Numri i të punësuarve në QKMF në pozita udhëheqëse	12	8	20
Numri i të punësuarve në QKMF të emëruar në pozita politike	1	/	1
Numri i të punësuarve në QKMF nga komuniteti jo-shumicë	/	/	/
Numri i të punësuarve në QKMF me nevoja të veçanta	/	/	/

Të dhëna të përgjithshme statistikore për vizitat – shërbimet e kryera në QKMF në vitin 2024

Qendra Mjekësia Familjare (QKMF) numri i vizitave	184835
Emergjenca	44742
Tereni (QMF, AMF) numri i vizitave	44796
Qendra (QKMF) + Tereni (QMF + AMF) + Emergjenca, numri i vizitave	274373
Qendra (QKMF) + Tereni (QMF + AMF) numri i shërbimeve	373240
Totali i vizitave dhe shërbimeve qendër dhe teren	647613

Bazuar në Planin e Punës të vitit 2025 edhe përkundër sfidave dhe vështirësive janë arritur pikësynimet në drejtim të ofrimit të shërbimeve shëndetësore ndaj qytetarëve, nuk është realizuar synimi për hapjen e shërbimit për trajtim të shputës diabetike dhe kjo si rezultat i mos sigurimit të një trajnimi adekuat të stafit të mesëm, gjithashtu nuk është arritur zgjatja e orarit të punës deri në ora 23 në QMF Lluzhan dhe Kërprimëh ashtu siç kishim planifikuar dhe e gjithë kjo në mungesë të resurseve humane, riorganizimit të brendshëm rezultat i të cilit është shtuar stafi në emergjencë dhe është zgjeruar orari i punës të kujdesit paliativ dhe obligimeve ligjore të konceptit të mjekësisë familjare (zgjedhja e mjekut familjar).

TË DHËNA – INFORMACIONE PËR SHËRBIMET NË QKMF

QKMF-ja ka punuar me kapacitete të plota bazuar në planin e punës për vitin 2025. Janë ofruar shërbime cilësore e gjithëpërfshirëse ndaj qytetarëve-popullatës konform obligimeve bazuar në dispozitat ligjore të Kujdesit Parësor Shëndetësor. E gjithë kjo nuk ishte e lehtë dhe ishte sfiduese por është arritur falë disiplinës e përkushtimit të profesionistëve e që kjo është inkurajuese edhe për marvajtje e rezultate në vazhdim madje edhe me shtim e zgjerim shërbimesh.

QKMF-ja ka ofruar shërbime të mjekësisë familjare 24 orë çdo ditë pune, vikendeve dhe festave. Urgjenca, materniteti dhe salla e infuzioneve kanë ofruar shërbime 24 orë, urgjenca është kompletuar edhe me shërbim radiologjik, laboratorik dhe stomatologjik.

Specialistika ka punuar çdo ditë pune 07-15 (Pediatri, Radiologu, Gjinekologu, Epidemiologu). Vaksinimi ka funksionuar nga ora 07-20 ditëve të punës dhe të shtuneve nga ora 07-15 (Vaksinimi kryhet edhe në çdo qendër shëndetësore të terrenit ditëve të punës), sipas orarit zyrtar të atyre shërbimeve në ditët kur punon mjeku.

Shërbimi stomatologjik në qendër funksionon çdo ditë pune dhe të shtunave në orarin 07:00 – 15:00 kurse ditëve të punës dhe të shtunave pas orës 15:00 dhe të dielave nga ora 07:00 – 23:00 ky shërbim ofrohet në urgjencën e re. Shërbime stomatologjike ofrohen edhe në Orllan, Lluzhan, Gllamnik dhe Kërpimeh.

Janë ofruar shërbime stomatologjike në ordinancën e veçantë për persona me aftësi të kufizuar në katin e parë të mjekësisë familjare.

Radiologjia ka punuar nga ora 07-15 çdo ditë pune, festave dhe vikendeve në muajit e fundit 07:00 – 13:00, kurse ultrazëri e mamografia çdo ditë pune në orarin e para ditës 07-13. Gjithashtu shërbime radiologjike ofrohen 24 orë në urgjencën e re

Laboratori në qendër ka punuar çdo ditë pune, vikendeve e festave në orarin 07-15, shërbime laboratorike janë ofruar edhe në QMF Lluzhan, Orllan, Kërpimeh dhe AMF Gllamnik. Shërbime laboratorike janë ofruar 24 në urgjencën e re.

Kujdesi shtëpiak-paliativ ka punuar çdo ditë pune, festave dhe vikendeve me orar të zgjeruar nga ora 08-23.

Ka vazhduar programi i vizitave shtëpiake për gratë shtatëzëna dhe fëmijët 0-3 vjeç nga ekipet e trajnuara me automjetin e dhuruar si donacion.

Dializa tashmë realizohet në Poliklinikën Specialistike.

QMF-të në Lluzhan, Kërpimeh dhe Orllan punojnë me dy ndërrime dhe kujdestari, këtu ofrohen shërbime të mjekësisë familjare me dy ndërrime, shërbime stomatogjike e laboratorike para dite çdo ditë pune.

16 AMF janë funksionale me mjek në ato më të mëdha 5 ditë e ato më të vogla 2-3 ditë, kurse me staf të mesëm çdo ditë pune në orarin 08:00-14:30 (AMF Bradash, Gllamnik, Llapashticë, Lupq, Sfeqël, Dobratin, Batllavë çdo ditë pune me mjek dhe staf të mesëm), në muajt e fundit ka mungesë mjekësh deri në rekrutim.

Barnatorja qendrore ka ofruar shërbime para dite çdo ditë pune dhe të shtunave në orarin 07:00-15:00.

Kemi qenë mirë të furnizuar me barëra, material shpenzues, laboratorik, stomatologjik e radiologjik falë kontratës komunale, planifikimit dhe furnizimit nga lista esenciale e Ministrisë së Shëndetësisë.

Furnizimi me insulina ka qenë i mirë dhe vazhdon të jetë i tillë.

Kemi vazhduar me dërgimin e stafit në trajnime të ndryshme ku vetëm në këtë periudhë kohore kemi rreth 90 të trajnuar për tema të ndryshme.

Kemi pranuar dhe mbikëqyrë nxënës dhe student në praktik profesionale.

Kemi realizuar vizitat sistematike të fëmijëve në qerdhet publike si dhe vizitat sistematike të të gjithë nxënësve të klasëve të I, V dhe IX të të gjitha shkollave.

Është kryer vaksinimi i rregulltë sipas kalenderarit të imunizimit për klasën e I, VI dhe XII.

Ka filluar shërbimi i ri Programi Kujdesi grupor për Prindërim në dhomën për Edukim dhe Promovim Shëndetësor dhe kjo falë memorandumit me organizatën Kujdesi për Nënë dhe Fëmijë (AMC).

Kemi bërë pajisjen e shërbimeve si në qendër ashtu edhe teren me aparatura të reja, është bërë trajnimi i stafit për punë me këto aparatura, profesionistët janë pajisur me mjete pune, shërbimet me inventar dhe klima dhe janë krijuar ambiente të mira pune dhe kushte të reja për trajtim të pacientëve dhe punë të profesionistëve.

Është arritur progres i theksuar në aktivizimin dhe përdorimin e SISH-it nga punonjësit shëndetësor në institucion.

Kemi asistuar me ekipet tona në çdo kërkesë të Policisë, klubeve sportive dhe eventeve të ndryshme.

U kemi ndihmuar shumë pacientëve me aparate oksigjeni, paterica, shtretër, karroca invalidore etj.

Përmirësimet në infrastrukturë, pajisjet me aparatura e mjete pune, furnizimet e rregullta, trajnimet e stafit, rendi dhe rregulli i vendosur janë garancë e ofrimit të shërbimeve cilësore dhe gjithëpërfshirëse për qytetarët-popullatën dhe lehtësim për profesionistët për ofrim të shërbimeve.

Rrjeti i KPSH – së me paisje dhe shërbime laboratorike sipas UA:

1. QKMF – Podujevë – Laboratori Hematologjik dhe Biokimik Qendror
2. QKMF – Podujevë – Laboratori Specialistik Baciloskopik
3. QMF Lluzhan – Laboratori Hematologjik dhe Biokimik
4. QMF Orllan – Laboratori Hematologjik
5. QMF Kërpimëh – Laboratori Hematologjik dhe Biokimik
6. AMF Gllamnik – Laboratori Hematologjik dhe Biokimik
7. Urgjenca Mjekësore laborator urgjent (Hematologji, urinë, glikemi, troponin) – 24 orë

Niveli i Pajtuëshmërisë me ekipet e mjekësisë familjare dhe shëndetit oral

- Gjithsej numri i ekipeve të mjekësisë familjare (1 mjek specialist dhe 2 infermier – 42 ekipe (21 mjek specialist familjar dhe 21 ekipe me mjek të përgjithshëm)
- Gjithsej numri i ekipeve të Stomatologjisë (1 doktor i stomatologjisë dhe 1 teknik/asistent) – 9 ekipe me stomatolog (2 ekipe stomatologjike me ass.dentar dhe 7 ekipe stomatologjike me infermier/e)

Fëmijë të përfshirë në program të imunizimit

- Gjithsej fëmijë të planifikuar për program të imunizimit – 5116
- Gjithsej fëmijë në program të cilët janë imunizuar – 4578
- Gjithsej nxënës të planifikuar për imunizim – 4144
- Gjithsej nxënës në program të cilët janë imunizuar – 3368

Ofrimi i kujdesit shëndetësor për gra dhe fëmijë

- Shërbimi gjinekologjik – kontrolla specialistike – lindje në shërbimin e Maternitetit (Gjinekologia 07:00 – 15:00)
- Shërbime pediatrike nga specialisti i Pediatriisë pranë shërbimit të Maternitetit
- Programi i vizitave shtëpiake për fëmijët 0 – 3 vjeç dhe gra shtatëzana nga ekipat e trajnuara
- Programi i Kujdesit Grupor për Prindërim në Këshillmoren e Maternitetit, infermieret e trajnuara nga AMC

TË DHËNAT STATISTIKORE PËR SHËRBIMET E KRYERA

Të dhëna statistikore të vizitave – shërbimeve sipas sektorëve – njërive të Mjekësisë familjare qendër

Mjekësia familjare qendër (QKMF) numri i vizitave (Totali)	184835
Emergjenca numri i vizitave	44742
Emergjenca – numri i rasteve jashtë shërbimit + të transportuar	3706
Kujdesi Paliativ, nr. i vizitave	10892 vizita 10699 shërbime
Programi për grate shtatëzana dhe fëmijët 0 – 3 vjeç, numri i vizitave	898
Stomatologjia numri i vizitave	4762
Shërbimet specialistike (Pediatria, Epidemiologjia) numri i vizitave specialistike	6487
Gjinekologjia, materniteti, vizita/ lindje	3875 vizita / 5 lindje
Mjekësia familjare – kujdestaria numri i vizitave	24653
Laboratori – numri i pacientëve që kanë kryer analiza	25708
Radiologjia – RTG, Echo, Mamografi (8771 Rtg QKMF, 8265 Rtg Urgjencë, 1834 echo, 275 mamografi)	19145
Shërbimi i insulinave	6147 shërbime 748 insulinvarës
Këshillëtorja për Diabet dhe HTA	4410
Injeksionet në QKMF	50508
Infuzionet në qendër – nr. i rasteve me infuzion	20212
Lidhëtorja, numri i pacientëve	4460
EKG , Inhalim në mjekësi familjare	2301
Baciloskopi + PPD numri i rasteve të kryera	127/125
Të vaksinuar (fëmijë 4578, nxënës 3368, të lënduar 1446, grupe të rrezikut për Hepatit B 121, kundër rabiesit 77, kundër gripit sezonal 2277)	11867
Vizitat sistematike të fëmijëve në qerdhet publike	266
Vizitat sistematike të nx. Të kl. I, V, IX	2754
Shërbimi i dializës	32 pacientë 4608 Shërbime

Të dhëna statistikore të vizitave në Teren (QMF dhe AMF)

	Vizita mjekësore	Shërbime	Vizita + shërbime
Lluzhan - numri i vizitave	17224	17341	34565
Kërpimëh - numri i vizitave	8683	3836	12519
Orllan– numri i vizitave	1760	1367	3127

Batllavë – numri i vizitave	1939	853	2792
Ballofc - numri i vizitave	1222	242	1464
Obranqë - numri i vizitave	759	484	1243
Dobratin - numri i vizitave	1163	256	1419
Bajqinë – numri i vizitave	193	207	400
Bradash - numri i vizitave	3164	668	3832
Lupq – numri i vizitave	1840	598	2438
Majac – numri i vizitave	101	15	116
Sfeqël – numri i vizitave	1421	497	1918
Shajkofc – numri i vizitave	650	368	1018
Llapashticë – numri i vizitave	1439	318	1757
Gllamnik – numri i vizitave	2095	1061	3156
Dumnicë – numri i vizitave	1066	576	1642
Shtedim – numri i vizitave	77	54	131
Gjithsej vizita në teren (QMF dhe AMF)	44796	28741	73537

Projektet e planifikuara dhe të realizuara për vitin 2025

Aktiviteti	Vlera e Projektit	
Furnizim me Barna (Lot 1 Furnizim me barëra dhe material stomatologjik, Lot 2 Furnizim me reagensë dhe material laboratorik dhe Lot 3 Furnizim me filma rëntgeni)	443,706.00 Euro	Projekt në realizim
Furnizim me pajisje (furnizim me bombola të oksigjenit 50liter 20 copë, EKG për nevojat e shërbimeve në qendër dhe terenë)	20,000.00 Euro	Projekt i realizuar
Furnizim me Oksigjen	6,750.00 Euro	Projekt në realizim
Furnizim me pajisje mjekësore (furnizimi me Rentgen për shërbimin e radiologjisë)	35,000.00 Euro	Projekt i realizuar
Servisimi i pajisjeve mjekësore (servisim të pajisjeve radiologjike, stomatologjike dhe laboratorike)	35,000.00 Euro	Projekt në realizim
Renovimi i Objekteve Shëndetësore (renovim i hapësirave të infuzionit në QKMF)	15,000.00 Euro	Projekt në realizim

Furnizim me Dokumentacion Mjekësorë	55,000.00 Euro	Projekt në realizim
Servisimi i automjeteve		Projekt në realizim
Larja e automjeteve		Projekt në realizim
Mirëmbajtja e nxemjeve dhe klimave		Projekt në realizim
Furnizim me qelqe		Projekt në realizim
Furnizim me derivate, lëndë djegëse.		Projekt në realizim
Ndërtimi i qendrës rezidenciale		Në ndërtim e sipër

Sektori i Mirëqenies Sociale

Subvencionet

- Është bërë thirrje publike për **OJQ-të** në shumë prej **20,000.00 €** në bazë të: Rregullores MF - NR – 04/2017 mbi kriteret, standardet dhe procedurat e financimit publik të OJQ-ve:
 - Komision ka vendosur që të jenë tre përfitues nga OJQ:
 1. OJQ Handikos 9,000.00 Euro
 2. OJQ Autizmi 8,000.00 Euro
 3. OJQ OFAP 3,000.00 Euro
- Komisioni i ngritur nga Kryetari i Komunës gjatë periudhës Janar-Dhjetor 2025 ka vlerësuar rastet dhe kërkesat individuale për ndarje të subvencioneve si në vijim:

Numri i kërkesave të parashtruara ku përfshihen edhe rastet e prekura me kancer të gjirit është : 1850 kërkesa, 1008 janë të aprovuara ku prej tyre 568 janë femra.

- Në bashkëpunim me OJQ-të humanitare janë ndihmuar 1756 familje me pako ushqimore dhe 5000 kg miell si dhe 50 persona janë duke u ndihmuar me shujtë ditore në bashkëpunim me donatorë

Strehim:

Sa i përket qështjes së banimit, gjatë vitit 2025, në banim social duke banuar kemi gjithsej 134 familje (112 familje janë duke banuar në shtëpitë në Lagjen e Dëshmorëve , shtëpi të cilat janë të ndërtuara gjatë viteve paraprake nga Ministria ne bashkëpunim me Komunen e Podujeves ku keto familje jane perzgjedhe nga Komisionet për përzgjedhjen e familjeve. Këto familje janë nga familjet e Dëshmorëve, veteranëve të luftës dhe familje raste sociale. Gjithashtu dhe 22 familje raste sociale janë duke banuar në Lagjen Shqiptarët për Shqiptarët, shtëpi të ndërtuara donacion ne bashkëpunim me Komunën).

Gjatë vitit 2025 Komuna e Podujevës në bashkëpunim me Shoqatën Jetimat e Ballkanit ka bërë ndërtimin e 3 shtëpive për familjet në nevojësi dhe janë ndërtur edhe 7 shtëpi nga donatorë të nryshëm nga lista e pritjes.

Në projektin e banimit social adekuat për familjet e cënueshme kanë aplikuar gjithësejt 113 familje. Numri i familjeve të cilat kanë aplikuar për banim sociale është 40 ku prej tyre 22 familje janë lagjën Shqipëtarët për Shipëtarë dhe 18 familje janë në listën e pritjes për banim sociale.

Nuk kemi as një familje e cila ka liruar banimin social.

Rastet të cilat janë me shumë prioritet për banim janë identifikuar dhe jemi ne pritje te buxhetit apo ndihmës nga donatorët.

QENDRËN PËR PUNË SOCIALE

Shërbimet Sociale

Në Qendrën për Punë Sociale në Podujevë gjegjësisht në Shërbimin Social trajtohen raste të cilave u ofrohen Shërbime Sociale të drejtpërdrejta për përfituesit e këtyre shërbimeve.

Qendra për Punë Sociale në Podujevë-Shërbimi Social ka trajtuar raste përgjatë gjashtë muajve si në vijim:

- Dhunë në Familje kemi trajtuar 103 raste;
- Fëmije me aftësi të kufizuara kemi 20 raste të reja, ndërsa gjithsej nen menaxhimin e Shërbimit Social janë 157 raste;
- Klientë të tjera kemi pasur raste prej tyre:
- Vërtetim mbi zotësinë e veprimtari kemi 539 raste;
- Vërtetim për lirim nga shtetësia e Kosovës kemi 19 raste ;
- Vërtetim për kthim nga shtetësia e Kosovës kemi 256 raste ;
- Vërtetim mbajtës i fëmijëve kemi 5 raste;
- Konstatime zyrtare kemi 13 raste;
- Anamneza drejtuar Gjykatave 54 raste;
- Raporte të ndryshme për institucione 60 raste;
- Kërkesa për vendosje në institucionin e SHPMPPF kemi 4 raste;
- Kërkesa për t'u bërë familje strehuese është 1 raste;
- Numri i fëmijëve në nevojë të vendosur në familjet strehuese gjatë vitit kalendarik 3 raste prej tyre dy vajza .

Shërbimi i Asistencës Sociale

Shërbimi i Asistencës Sociale punon dhe vepron në kuadër të QPS-së – DKSHMS KK Podujevë duke e zbatuar Ligjin e Skemës Sociale 2003/15 .Gjatë kësaj periudhe të punës punëtorët e këtij Shërbimi janë angazhuar që në mënyrë sa më profesionale të u ofrojnë shërbime qytetarëve në nevojë të cilët në mënyra të ndryshme kanë kërkuar shërbime.

Në vazhdim ju paraqesim të dhënat për punën në periudhën kohore Janar-Dhjetorë të vitit 2025

Për Ndihmë Sociale gjatë kësaj periudhe kohore nga qytetarët janë bërë 15 kërkesa të reja për ndihmë sociale, prej tyre 7 në kategorinë e I ,dhe 8 në kategorinë e II.

Prej tyre kërkesa janë pranuar 9 dhe 4 janë refuzuar dhe janë në shqyrtim 2 kërkesa.

Numri i shfrytëzuesve të ndihmës sociale sipas raportit të muajit dhjetorë janë 476 familje shfrytëzuese, shuma e mjeteve të shpërndara për këto familje për periudhën janar dhjetor është 835906euro

Gjatë periudhës kohore janar-dhjetor kanë riaplikuar 748 famile të cilat brenda vitit riaplikojnë në kategorin e parë një herë në vit kurse në kategorin e dytë dy herë në vitë, çdo gjasht muaj brenda vitit.

Janë bërë 8 kërkesa për rishqyrtim, prej tyre përgjigje pozitive kanë marë 8. Janë drejtuar 31 ankesa komisionit të ankesave në MPMS prej tyre 9 janë aprovuar dhe 22 janë refuzuar.


Lëndet e dërguara në komision mjekësor në DNS Prishtinë gjithësejt janë 329 prej tyre 293 janë aprovuar, 35 janë refuzuar dhe plotësim dokumentacioni 1 lëndë.

Në Gjykatën Themelore janë dërguar 1 lëndë për të cilë është inicuar procedurë penale, në rishqyrtim 1 lëndë.

Në këtë vitë i kemi pasur 22 shfrytëzues të paligjshëm të cilët e kanë shfrytëzuar asistencën sociale ku janë identifikuar nga ATK dhe DSM-ja.

Nëpunësit e asistencës sociale janë angazhuar në vlerësimin dhe rivlerësimin e familjeve.

19.02.2026



Drejtoreshë e DSHMS
Enrie Hoti Rama



REPUBLIKA E KOSOVËS - REPUBLIKA KOSOVA - REPUBLIC OF KOSOVA
KOMUNA PODUJEVË - OPŠTINA PODUJEVO - MUNICIPALITY OF PODUJEVO



Formulari per kerkese apo ankese

Drejtoria/Njesia

Data 19/02/2026

Drejtoria e Shëndetësisë dhe Mirëqenies Sociale

1. Informatat personale te parashtruesit te kerkeses:

Emri dhe mbiemri

Numri personal

Drejtoria e Shendetsisë dhe Mirqenjes Sociale

06

Adresa e vendbanimit

E-mail Adresa

Rr.Nuhi Gashi

Numri i tel. fiks

Numri i tel. mobil

40000000

2. Mënyra e pranimit

Statusi i lëndës

Raport

Ne proces

Vlera për pagesë: 0.00

3. Ju lutemi të shkruani kërkesën apo ankesën tuaj në detaje:

Raport pune per vitin 2025.

Mos shkruani në këtë pjesë

Numri i protokolit

06-401/04-0010495/26

Afati i zgjedhjes

21/03/2026

Vendimi

4. Dokumentet e bashkangjitura:

Nr. Lloji i dokumentit

5. Dëshmia e aplikuesit për vërtetësi

Unë Drejtoria e Shendetsisë dhe vërtetoj se informatat e lartshënuara janë të vërteta.
Mirqenjes Sociale

(Nënshkrimi)

*Ju lutemi të kërkonit nga zyrtari/ja fletëdëshminë për dorëzimin e kësaj kërkesë dhe dokumenteve të bashkangjitura

Pranuar nga: jehona.ajvazi